

錦繡萬花谷

十六



舊刊錦繡萬花谷

十九冊

錦繡萬花谷卷之十六

父子

侍寢問安

文王有疾武王不說冠帶而養文王一飯武王亦一飯文王再飯武王亦再飯文王為世子朝于王季日三雞初鳴而至寢門問內豎曰安否何如豎曰安文王喜及日中又至亦如之及暮又至其有不安內豎以告文王文王色憂

南山橋梓

伯禽與康叔見周公三見三答之三子乃問商子商子曰南山之陽有木名橋南山之陰有木名梓何不往觀之二子往見橋木高而仰梓木實而俯還告商子商子曰橋者父道也梓者子道也

尚書大傳

周公拜前魯公拜後

魯公伯禽也

公羊傳

曾子耘瓜

曾皙令曾子耘瓜誤傷其根曾皙怒擊其首曾子仆地有頃乃蘇孔子聞之謂弟子曰參來勿內也昔瞽瞍有子曰舜瞽瞍使之未嘗不往欲殺之未嘗可得小杖則受大杖則逃不陷父於不義也

家語

滕上王文度

晉王述字懷祖子坦之字文度為桓溫長史溫欲



為子求婚於述坦之還家省父而述愛坦之雖長大由置膝上坦之因言溫意述大怒遂排下曰汝竟癡耶述傳

### 老萊兒啼

老萊子事二親行年七十作嬰孩自娛着五色綵衣取漿上堂跌仆因卧地為小兒啼列女傳

### 炊飯成糜

陳太丘有子元方季方有客詣太丘談鋒甚敵太丘令二子炊飯延客二子委甌竊聽客語飯落釜成糜而進客去太丘責之二子言其故且誦客語無遺太丘曰但糜自可何必飯商芸小說

### 循陔

東哲補云詩曰南陔孝子相戒以養也循彼南陔言採其蘭眷戀庭闈心不遑安選

### 風月景山水

謝莊生五子颺肫顥崧淪世謂莊名子以風月景山水南史

### 羲之生五子

王羲之有子七人其知名者五人曰玄之凝之徽之操之獻之孟郊詩曰羲之生五子羲之又有之

### 踐霜挽車

伯奇尹吉甫之子吉甫惑於後妻虐伯奇無衣無

履而使踐霜挽車伯奇順父之令不敢有辭

發假收嚴

唐楊惟直名四子發假收嚴發以春為義假以夏為義收以秋為義嚴以冬為義收大拜發至丞郎

本傳

四子並無術業

南史任昉有子東里西華南客北叟並無術業墜其家聲兄弟流離西華冬月着葛被練裙

本傳

阿戎

王渾子戎幼爽阮籍謂渾曰戎清爽非鄉綸也與卿言不如與阿戎談

晉書

屏風隔坐

吳紀亮為尚書令子騭為中書令每朝會詔以御屏風隔坐

犢子破車

石季龍少時數彈人石勒白母欲殺之母曰快牛為犢子時多能破車汝當小忍之勒乃止

晉書載記

睡不聽父言

漢陳萬年子咸數言事譏刺近臣萬年病召咸戒床下語至半夜咸睡頭觸屏風萬年大怒曰乃公教戒汝汝反不聽吾言何也咸曰且曉所言大要教咸諂也萬年乃不復言

咸傳

好消息惡消息

唐崔玄暉爲軍校負外郎母盧氏戒之曰吾見辛  
玄馭云兒子從官者聞有人來云貧乏不能自存  
此是好消息吾聞貴貨充足衣馬輕肥此是惡消  
息吾重此言汝今坐食俸祿若不能忠清何以戴  
天履地特加修潔勿累吾此意也 職官分紀

盜酒不拜

孔文舉有二子大十歲小五歲晝日父眠小者床  
頭盜酒飲之大兒謂曰何以不拜小者荅曰偷何  
行禮此言小而善言語也 世說

鳳毛

昏侯宮及幸武帝七月而生綜宮中多疑之及綜  
年十四常夢一少年肥壯自挈其首對綜非一問  
母母問夢中形狀類東昏因密報之勿泄綜遂於  
別室祠齊廟然猶無以自信聞俗說以生者血瀝  
死者骨滲即爲父子綜私發東昏墓出其骨瀝血  
試之既驗在西州生次男月餘潛殺之既瘞發其  
骨又試之 南史又職官分紀

父齒滲子血

唐王少女父死兵遺腹生十歲問父所在母以告  
即哀泣求尸時野中白骨覆壓或曰以子血漬而  
滲者父齒也少女鑿膚闕旬而獲 本傳

過五男十日飲

漢陸賈有五男賣橐中金分其子二百金令為生  
產賈常乘安車侍者十餘寶劍直百金謂其子曰  
與汝約過汝汝給人馬酒食十日而更所死之家  
得劍賈傳

雙珠出老蚌

韋康元將弟誕仲將孔融與其父書曰前日元將  
來淵才亮茂雅度弘毅偉世之器也昨日仲將來  
文敏篤誠保家之主也不意雙珠近出老蚌後漢

父子骨滲血

梁武帝第二子綜封豫章王初母吳淑媛在齊東

宋書謝鳳子超宗有文辭作毅淑妃誅帝大嗟賞  
謝莊曰超宗殊有鳳毛

覓句攤書

覓句知新律攤書解滿床試吟青玉案莫羨紫羅  
囊老杜示玄武

添丁

盧仝生子名曰添丁欲為國持役也本傳

見白雲思親

唐狄仁傑授并州司法叅軍親在河陽仁傑登太  
山反顧見白雲孤飛謂左右曰吾親舍其下願望  
久之雲移乃去本傳



關中曾子

唐賈會有高節里中號一龍親死負土成墳廬其  
左手蒔松柏時號關中曾子本傳

九子母丈夫

錢穆父生九子東坡以九子母丈夫目之本傳

同桓傳

王荆公及子雱同修經義經成加荆公左僕射雱  
龍圖閣直學士同日受命元絳賀詩曰陳前輿服  
同桓傳拜後金珠有魯公東軒筆錄

三子列侍

陳省華蜀人三子堯叟堯佐堯咨皆進士及第而  
伯仲為天下第一晚年與燕國夫人馮氏俱康寧  
堯叟知樞密院次子直史館少子知制誥每對客  
三子列侍客不自安省華曰學生列侍常也士夫  
以為榮繩水燕談

宰相侍立

本朝王溥拜相年三十二其父祚累遷防禦使每  
見客溥常朝服侍立客不安求去祚曰學生勞賢  
者起避耶廬陵歸田錄

手植三槐于庭

王晉公祐太祖朝為知制誥使魏州太祖曰使還  
與卿王溥官職時王溥為相也使還帝怒安置華

州七年不召初枯赴貶時親朋送枯曰意公作王  
溥官職矣枯笑曰某不做兒子二郎必做二郎者  
文正公旦也枯手植三槐于庭曰吾子孫必有為  
三公者已而果然天下謂之三槐王氏邵氏錄

索杖欲撻

韓忠獻公億教子嚴肅知亳州第二子舍人自京  
西倅謁告省觀康公與右相及姪宗彥皆中甲科  
歸公喜置酒召僚屬之親厚者俾諸子坐於隅推  
持國多深思知必有義方之訓托疾不赴坐中忽  
云二郎吾聞西京有疑獄奏讞者其詳云何舍人  
思之未得已訶之再問未能對遂推案索杖大罵  
曰汝食朝廷爵祿倅貳一府事無巨細皆當究心  
大辟奏案尚不能記則細務可知必欲撻之衆賓  
力解方已諸子股栗家法之嚴如此所以多賢子  
孫也蘇氏談訓

竇氏五龍

五代末竇禹鈞有子五人儀儼侃僖俱及第號  
五龍馮道贈之詩云燕山竇十郎教子有義方靈  
椿一株老仙挂五枝芳李氏談錄

郎罷团

閩人呼子為团团音蹇謂父為郎罷顧况有詩述  
之青箱雜記故山谷有詩送秦少游章從東坡學

云班衣兒啼真自樂從師學道也不惡但得新年  
勝舊年即如常在郎罷前

黃集

### 賢愚繫於汝

邵堯夫四十餘始娶生男有詩曰我今行年四十  
五生男方始爲人父鞠育教誨誠在我壽夭賢愚  
繫於汝我若壽年七十歲眼前見汝二十五我欲  
願汝成大賢未知天意肯從否

聞見錄

### 韓忠獻八子比八龍

國朝韓億忠獻公八子曰綱綜絳繹緯縝維縞多  
爲聞人絳縝皆爲宰相維爲門下侍郎以比荀氏  
八龍

黃詩註

### 窮達莫不有命

唐介一日自政府歸語諸子曰吾備位政府知無  
不言桃李固未嘗與汝等栽培而荆棘則甚多矣  
然汝等窮達莫不有命惟自勉而已

湘山錄

### 守鳴蟬賦

予起作賦草他兒一視而過獨小子槩守之不去  
此兒必能爲吾此賦因以予之

歐集槩字叔弼

### 長頭峙玉

東坡中子迨生三年不能行請辯才師爲落髮摩  
頂祝之不數日能行坡有詩云我有長頭兒角頰  
峙犀玉四歲不知行抱負煩背腹師來爲摩頂起

走趁奔鹿

虎兒詩

蘇子由已卯生坡嘗號爲卯君生子名虎兒坡有詩云舊聞老蚌生明珠未省老兔生於菟老兔自謂月中物不騎快馬騎蟾蜍蟾蜍肥沙不肯行坐令青衫垂白鬚於菟駿猛不類渠指揮黃熊駕黑羶丹沙紫麝不用塗眼光百步走妖狐妖狐莫誇智有餘不勞搖牙咀爾徒

母子

啓母化爲石

禹治水通輓轅山化爲熊謂塗山氏女曰欲餉必聞鼓聲乃來禹排石誤中鼓塗山氏往見禹方作熊慙而去至嵩山下化爲石方孕啓禹曰歸我子石破北方而啓生

武帝紀注

伊尹母化爲枯桑

伊尹母方孕行汲化爲枯桑其夫尋至水濱見桑穴中有兒乃收養之

尚書大傳

搯臂呼參

曾參出薪于野有客至其家欲去其母曰願留參方到即以左手搯右臂臂痛參即馳至問母曰臂何故痛母曰今者客至吾臂呼汝耳

論衡

三釜

曾子再仕而心再化曰吾及親仕三釜而心樂後仕三千鍾而不泊吾心悲莊子

### 斷機

孟軻母三徙既居孟子學而歸母問學所至孟子自若也孟母以刀斷機曰子之廢學若吾斷機孟子懼勤學不息遂成名儒

### 三徙擇隣

孟軻母其舍近墓孟子少嬉遊於墓間爲其事孟母曰此非吾所以處子也乃去舍市傍其嬉戲乃賈人銜賣之事又曰此非所以處子也復徙舍學宮之傍其嬉戲乃設俎豆揖遜進退孟母曰此真可以居吾子遂居焉列女傳

### 買隣肉

孟子少時聞東家殺豬問母何爲母曰欲啖汝旣而母悔曰吾常教以割不正不食席不正不坐今適有知而欺之是教之不信也乃買隣猪肉以食之韓詩外傳

### 倚門

王孫賈之母謂賈曰汝朝出而晚來則吾倚門而望汝暮出而夜還則吾倚廬而望戰國策

### 未嘗君羹

鄭穎考叔爲永谷封人有獻於公公賜之食食舍

肉公問之對曰小人有母皆嘗小人之食矣未嘗君之羹請以遺之

左傳

### 負米

子路曰家貧親老不擇祿而仕昔者由也爲親百里負米親沒南遊於楚從車百乘累茵而坐列鼎而食願負米百里豈可得乎木欲靜而風不停子欲養而親不逮枯魚銜索幾何不蠹二親之壽忽如過隙悲哉

家語

### 織屨

漢程方進年十二三失父爲太守府小吏因病歸家辭其後母欲西至京師授經母憐其幼隨至長安織屨以給方進後十餘年至宰相母尚在本傳

### 循陔

見父子門

### 升堂拜母

後漢范式與張邵爲友式曰後將還拜親邵白母爲酒饌以待之至期式果到升堂拜母

### 分椹

後漢蔡順當王莽末大荒順拾椹以異器盛之赤眉賊見而問之順曰黑者奉母白者自食賊知其孝乃遺米肉放之

### 懷橘

吳陸績年七歲謁見袁術登筵懷橘拜而墜地術

問其故曰將以遺母術甚奇之

吳志

### 桑門遺瓜

滕曇恭年五歲母患熱病思食寒瓜土俗不產曇恭歷訪而不得俄遇一桑門曰我有雙瓜分一相遺舉室驚異

南史本傳

### 遺蒲萄

陳叔達為納言嘗賜食得蒲萄不舉高祖問之對曰臣母病渴嘗求不能致願歸奉之帝曰卿有母遺乎因賜之

本傳

### 和熊膽丸以助子勤

柳仲郢幼嗜學母嘗和熊膽丸使夜咀嚙以助子

勤

唐本傳

### 令客從後出

陳遵每大飲輒閉門客雖有急終不得去常有部刺史奏事過遵其方飲刺史大窘突入見其母叩頭自白當對母乃令從後閣出去

本傳

### 識杜黃裳

潘孟陽母劉晏女常問末坐有綠衣少年何人曰補闕杜黃裳夫人曰此人覺全別必是貴人後為

相

南部書

### 鼓吹震耀洛濱

晉汝南王亮母伏太妃常有小疾被於洛水亮兄

第三人侍從並持節鼓吹震耀洛濱武帝登凌雲臺望見曰伏妃可謂富貴矣

### 擁笏垂魚

唐曹成王臯為刺史遭誣在治念其母太妃老將驚而戒出則囚服就辨入則擁笏垂魚

退之曹王碑

### 拜畫像

金日磾母死武帝詔圖其形於甘泉宮日磾養馬苑中每牽馬過見遺像輒拜

### 冰筋

南史蕭叡明母病風積年叡明晝夜祈禱時寒叡明下淚為之水如筋額上叩頭血亦冰不溜後其

母遂安

孝義集

### 當歸遠志

姜維天水人既歸蜀得母書令求當歸維曰但有遠志不在當歸

本傳

### 刻母形

丁蘭少喪父母不及養乃刻木為親形事之若生隣人張叔妻從蘭妻有所借蘭妻跪報木人木人不悅不以借之叔醉罵木人以杖敲其頭蘭歸奮殺張叔郡縣嘉其孝遂上之圖形於靈臺

孫盛逸士傳

### 社日悲慟

魏王脩年七歲母社日死脩每至社日悲慟鄰里



為之輟社

拔刀逐賊

僕固懷恩父子平史朝義舉河朔若拾遺護回紇歸國過太原為辛雲京所拒閉關不犒軍大怒頓軍汾州遣子瑒攻雲京偏將焦暉等斬瑒首獻闕下懷恩聞以告母母曰我戒汝勿反國家訓汝不淺今眾變禍且及我提刀逐之曰吾為國殺此賊取其心以令軍中懷恩走以部曲三百走靈州詔輦其母歸京師贊曰其母拔刀逐賊烈婦人哉

本傳  
捧檄喜動顏色

毛義家貧養親張奉慕其名詣義會府檄至以義為守令義捧檄入喜動顏色奉心賤之及義母死舉賢良方正不就奉嘆曰往日之喜為親也

本傳  
寄物瓶中

曹公令路粹枉狀奏孔融與布衣祢衡放言云父之有子當有何親論其本意實為情欲發耳子之於母亦復奚為譬寄物瓶中出則離矣

後孔融傳

稱大人

范滂以黨錮將死謂母曰惟大人割不可忍之恩勿增感戚又前淮王憲王有外祖母張氏其舅張博兄弟歲至淮陽見親博云王遇大人益懈是也

名臣傳

非此母不生此子

陶侃母湛氏新塗人初侃父丹聘為妾生侃陶氏貧賤母紡績資之番陽孝廉范逵寓宿於侃時大雪湛氏乃徹所卧新薦自剉給其馬又密截髻供饌逵嘆曰非此母不生此子侃竟以功名顯

晉列女傳

母有疾輒病

唐張志寬嘗詣縣忽稱母疾求急歸令問狀答曰母有疾志寬輒病令疑妄繫於獄馳驗如言

本傳

執熨斗辭禪

晉韓伯數歲大寒母方為作襦令伯提熨斗而謂之曰且著襦尋當作複禪伯曰不須母問故曰火在斗中而柄熱今既著襦下亦當煖

本傳

百官回班候起居

唐趙隱輔政他宰相及百官皆詣第陞堂慶母懿宗誕日宴慈恩寺隱侍母以安輿臨觀宰相率百官拜恩於庭回班候夫人起居縉紳以為榮

職官分紀

噬指悟子

蔡順採薪於野有客卒至母望順不還噬其指順即心動弃薪馳歸母曰有客來吾噬指以悟汝耳

泣竹生筍

見筍門

喜錄囚平仄

漢雋不疑為京兆尹行縣錄囚還其母輒問有所平反活幾何人即多有所平反母喜笑為飲食異於他時或無所出母怒為不食故不疑為吏嚴而不殘本傳

### 掃墓地

嚴延年治河南酷刑號屠伯母數責延年天地神明人不可獨殺我不意當老見壯子被刑戮也行矣去汝東歸掃墓地耳遂歸後歲歸果弃市東海莫不賢智其母延年兄弟五人皆至大官母號萬石嚴嫗

### 那得生寧馨兒

宋廢帝子業性凶悖其母疾篤召之帝曰病人多鬼那可往其母怒謂侍臣將刀來破我腹那得生此寧馨兒南史後傳

### 截髮待賓

范逵嘗過陶侃家侃時無以待賓母謂侃曰汝但留客吾自為計乃截髮為雙髻賣易酒肴極豐從者亦過望逵至京師稱述侃侃遂知名侃傳

### 秤槌中走

寇萊公少時不修小節頗愛飛鷹走犬大夫人性嚴每不勝怒舉秤槌投之中足流血由是折節從學及貴母已亡每捫其瘡痕輒哭記聞

剪髻

杜甫詩送王砮砮音例是王珪之後云家貧無供

給客位但箕箒俄頃羞頗珎寂寥人散後入怪鬚  
髮空吁嗟爲之以自陳剪髻鬢市易充沽酒上云  
天下亂宜與英俊厚秦王時在坐真氣驚戶牖及  
乎正觀初尚書踐台斗此稱珪母之賢西清詩話

杖碎金魚

陳康叔善射號小由基及守荆南回其母馮夫人  
問汝典郡有何異政堯咨云每以弓矢爲樂母曰  
汝父教以忠孝輔國家今汝不務行仁化而專務  
一夫之勇豈汝父之志耶杖之碎其金魚燕談

刺血寫經求母

朱壽昌少不知母所在刺血寫經求之五十年後  
得之蜀中東坡賀之以詩云嗟君七歲知念母隣  
君壯大心愈苦羨君臨老得相逢喜極無言淚如  
雨烹龍爲炙玉爲酒鶴髮初生千萬壽金花詔書  
錦作囊白藤肩輿簾蹙繡感君離合傷我心此事  
今無古未聞長陵謁來見大姊仲孺豈意逢將軍  
開皇苦挑空記面建中天子終不見西河太守誰  
復譏潁公封人羞自薦坡集

子死於孝婦死於義

真宗朝有士人其母死乃號慟抱母屍而死其妻

見夫死乃抱夫屍而哭亦就死曰此家人子死於  
孝婦死於義也

### 金花誥

官誥院敕郡夫人使金花羅紙七張錦縹袋賜以  
湯沐邑乃奉親之榮也 春明退朝錄

兄弟

### 花萼相輝樓

睿宗五子玄宗為季子製大衾長枕與諸王共之  
後於宮南造花萼相輝之樓時時登之必召諸王  
登樓賦詩世謂天子友悌無比有鶴鴿千數集麟  
德殿柱帝嘗賜憲等書曰魏文帝詩曰西山一何  
高高高殊無極上有兩仙童不飲亦不食賜我一  
丸藥光輝有五色服之四五日身體生羽翼朕每  
言寧如兄弟天生羽翼乎陳思王才足以經國家  
絕其朝謁卒以憂死魏祚未終司馬氏奪之豈神  
丸效耶 明皇傳

### 花萼集

李義山與兄弟俱以文章自名同為一集號李氏  
花萼集 本傳

### 酥醜乳酪

穆贊兄弟皆和粹世以珍味目之贊少信然有格  
為酪質美而多文為酥質為醜醜賞為乳腐 本傳

棠棣碑

賈敦頤為洛州司馬洛人為刻碑市傍弟敦實又為長史人後為立碑其側號棠棣碑本傳

雙與

唐張越石楚金同舉有以兄弟不可兩收欲俱退李勣嘆曰貢舉本求才行何妨雙與乾麟子

聯珠集

竇群與兄常牟弟庠鞏兄弟五人皆為郎工詞章義取五星然故為聯珠集行於世本傳

白眉

馬良兄弟五人並有才名鄉里諺曰馬氏五常白

眉最良良眉中有白毫故云蜀志

八龍

後漢荀爽兄弟八人時號為八龍

擬八龍

唐崔珙兄弟八人皆有才世以擬荀氏八龍本傳

三木樹

唐王勃與兄勔勔皆著才名故杜易簡稱三珠樹

紫荆花

京兆田真兄弟三人欲分庭前紫荆花破而為三  
明旦枯死真曰是人不如木也兄弟相感復合荆  
亦茂陸機詩云三荆歡同株又古詩三荆同根生

蜀龍吳虎

諸葛瑾仕吳諸葛亮仕蜀從弟誕仕魏後以兵反見誅世人謂蜀得龍吳得虎魏得狗

世說

難兄難弟

漢陳元方子長父即陳群也與季方子孝先各論其父功德爭之不決諮於陳太丘太丘曰元方難其兄季方難其弟

並世說

難兄

晉王珣小字僧彌少有才藝名出珣右語曰法護非不嘉僧彌難為兄法護珣小字

晉本傳

人琴俱亡

王徽之與獻之俱病術人曰應終而有生人樂代則死者可生徽之曰吾才不如弟請代術人曰君今與弟筭俱盡何可代獻之卒徽之奔喪直取獻之琴鼓之久而不調曰子敬人琴俱亡因一慟而卒

夾河為郡

漢杜周為廷史久任事列三公兩子夾河為郡守

本傳

大馮君小馮君

漢馮野王與弟立相代為太守民歌之曰大馮君

小馮君兄弟繼踵相因循馮立傳

少言佳客

王子敬獻之與元徽之操之俱諧謝安二元多言俗事獻之寒温而已既而客問王氏兄弟優劣安曰少者佳客問其故安曰吉人之辭寡以其少言故知之本傳

風月景山水見前父子門

三虎

後漢賈彪字偉節慷慨兄弟三人並有高名而彪最優故天下稱之曰賈氏三虎偉節最優本傳

龍駒鳳雛

晉陸雲六歲能屬文與元機齊名雖文章不及機而持論過之號二陸幼時吳尚書閔鴻見而奇之曰此兒若非龍駒當是鳳雛後舉賢良本傳

封胡竭末

晉謝氏尤彥秀者稱封胡竭末封謂謝韶胡謂謝朗竭謂謝玄末謂謝川皆其小字也韶朗川皆早卒惟玄以功名終

發假收嚴見前父子門

太祖姊

太祖將北征自京師歸民間謠言當立點檢為天子太祖聞之懼密以告家人太祖姊魏國長公主



方在厨引麪杖逐太祖曰大丈夫臨大事可否當  
决胃懷乃來怖婦女太祖默然出涑水記聞

四鳥之悲

孔子聞婦人哭聲謂顏淵曰此非獨哀又有離別  
之聲何以知之曰昔恒山有鳥生四子羽翼既成  
將分飛聲類於此問之果然父死賣子以葬六帖

灑血

陳業元渡海同死六十人骨肉消爛而不可別業  
乃割臂流血洒骨上而後別也

四洪

魯直甥洪蜀駒父洪朋龜父洪炎玉父洪羽鴻父

四人俱有名潘邠老作洪氏倦殼軒云封胡竭末  
謝龜駒玉鴻洪千載望四謝四洪天壤同

連壁分鼎

東坡子由孔文仲經甫武仲常甫平仲毅甫俱以  
才名播天下魯直有詩云二蘇上連壁三孔分立  
鼎天下墜斯文俱來集臺省

形貌相類

張伯偕仲偕兄弟形貌相類仲偕妻新粧鏡中忽  
見伯偕問曰今日新粧飾好否伯偕不顧仲偕妻  
漸之伯偕復過仲偕妻復呼之曰向誤認伯偕  
是卿伯偕又不顧仲偕妻始漸俱誤

友于

世謂友弟謂友于朱浮蹠血友于杜甫詩云山鳥  
山花皆友于皆歌後語也

洪駒父詩話

爭死

後漢時趙孝宗弟孝禮被賊捉去欲殺而食之孝  
宗聞之走見賊曰孝禮不如孝宗肥願代弟死賊  
相謂曰此義士也遂並放之

孝義傳

子孫叔姪

霍氏衰張氏興

張安世子千秋與霍光子禹俱為中郎將隨度遼  
將軍范明友擊烏桓還謁大將軍光光問戰鬪山

川形勢千秋口對兵事手畫地成圖無所忘失復  
問禹禹不能記曰皆有文書光由是賞千秋而以  
禹為不才嘆曰霍氏衰張氏興矣

本傳

一夜十起

第五倫或問倫曰有私乎曰余兄子嘗病一夜乃  
十起退而安寢余子有病雖不省視而通夕不寐

本傳

德星聚

陳太丘詣荀淑元方御車季方驂乘羣幼抱於車  
中荀淑使慈明應門行酒文若小坐於膝餘六龍  
下食太史奏德星聚五百里內必有賢人集

南阮北阮

晉阮咸與叔阮籍為竹林之遊諸阮居道北籍咸居道南南阮富北阮貧

紫羅囊

謝玄嘗佩紫羅香囊叔安惡之而不欲傷其意因戲賭得乃焚之本傳

買德郎

桓溫弟冲小字買德郎初溫兄弟並少家貧母患需羊以解溫乃以冲為質羊主言不欲為質幸為養買德郎

烏衣郎

晉宋時江左謂王謝子弟為烏衣諸郎坡詩注

碧梧鸞鵠瑤環瑜珥

退之云余在京師不能自存拜北平王於馬前王憐之賜食與衣召二子使為之主其季遇我厚姆抱幼子立側肌肉玉雪可憐當是時見北平王如龍虎變化不測見少傅翠竹碧梧鸞鵠停峙幼子娟好靜秀瑤環瑜珥蘭茁其牙北平王馬燧也少傅燧子暢也幼子即少監也燧之孫少監墓誌

芝蘭玉樹

謝玄謝朗為謝安所器因戒約子姪曰子弟何預人事譬如芝蘭玉樹欲使生於階庭本傳

未嘗教子孫學問

王敬弘歲中見兒孫不過一再見見輒刻日未嘗教子孫學問多隨所欲或問之荅曰丹朱不應乏教寧越不聞被箠南史

阿買

韓退之詩阿買不識字頗知書八分詩成使之寫亦足張吾軍或問黃魯直阿買是退之何人魯直曰退之姪必有據也坡注

仲容賢

嗣宗諸子姪早覺仲容賢仲容乃阮咸字籍之姪也杜詩

貽厥

世謂兄弟為友于謂子孫為貽厥者歌後語也退之詩貽厥無基址詩云貽厥孫謀詩話

鳩車竹馬

小兒五歲曰鳩車之戲七歲曰竹馬之戲博物志

薦姪宰相

呂蒙正居洛真宗祀汾陰過洛幸蒙正宅問曰卿諸子孰可用對曰臣諸子皆豚犬不足用有姪夷簡任穎州推官宰相才也帝記其語遂至大用文靖公也邵氏聞見錄

璠璣經緯

翰林學士彭乘不訓子弟范宗翰上啓責之曰王氏之子琪珪玳瓘器盡璠璣韓氏之宗綜絳績維才皆經緯非蔭而得由學而然謂王氏皆以玉名韓氏皆以絲名天下衣冠子弟

科者唯王韓

爲盛名臣傳

### 梁羅

蘇子由子遲适遠子瞻有詩云獨携三子出古刹訪禪師高談付梁羅詩律對阿虎梁羅遲小字阿

虎即虎兒小字也

坡集

### 硤硤頭玉

東坡賀子由生孫云朋來四男子大壯泰臨復無官一身輕有子萬事足舉家傳吉夢殊相驚凡目爛爛開眼電硤硤峙頭玉注李賀詩頭玉硤硤眉刷翠杜郎生得真男子

### 灌毬擊甕

文潞公少時與羣兒擊毬毬入樹穴中不能取以水灌得毬出司馬溫公幼與羣兒戲一兒墮大水甕中羣兒驚走不能救公取石破其甕得出識者知二公不凡

夫婦

射雉始笑

叔向曰昔賈大夫惡娶妻而美三年不言不笑御以如臯射雉獲之其妻始笑而言

左昭二十八年

奕多歌

百里奚仕秦其妻歌曰百里奚五羊皮憶別時烹伏雌炊麥多今日富貴忘我為

白頭吟

司馬相如將聘茂令女子為妻文君作白頭吟云  
淒淒重淒淒嫁娶不須啼願得一心人白頭不相離相如感之乃止

西京雜記

載以後車

朱買臣會稽人賣薪以給食行且誦書妻亦負載相隨數止買臣毋謳歌道中買臣愈疾歌妻羞之求去買臣曰我年五十當富貴今已四十矣待我富貴當報汝曰如公等餓死溝中耳聽去後買臣為會稽太守其妻修道買臣載歸後車羞經死

娶罵已者

人有挑其隣之妻者其長者罵之其少者報之後其夫死而娶其長者或曰夫非罵爾者耶曰在人欲其報我在我欲其罵人注陳軫對秦王之詞

後

馮衍傳

山名戰國策

三同

馮衍字敬通其妻極悍劉孝標云子與敬通三同不遇一同也剛直二同也馮有忌妻自操井曰子亦有忌妻家道坎軻三同也

劉孝標傳

### 以粉書扇

後漢陰喻妻荀爽女名采早寡父母強嫁與郭奕爽以詐疾召采采歸而懷白刃爽執奪不得已到郭氏偽為歡建四燈以共談奕敬憚之及曙奕出采叱左右辦浴既入室以粉書扇曰死還陰氏字未成恐人來乃以衣帶自縊死

### 德耀舉案齊眉

孟光字德耀壯肥而黑擇對不嫁父母問故曰欲

得賢如梁鴻者鴻字伯鸞聞遂娶之鴻貧賃舂於

臯伯通廡下妻每饋食不敢仰視舉案齊眉

後隱逸傳

### 干齋送獄

周澤為太常恒齋其妻怜其老窺內問之澤大怒以為干齋遂收送獄諺曰居代不諧為太常妻一歲三百六十日三百五十九日齋一日不齋醉如泥

應劭漢官儀

### 卿卿

晉王渾妻鍾氏常卿渾渾曰詎可爾妻曰憐卿愛卿是以卿卿我不卿卿誰當卿卿

世說

### 飲瓊擣霜

裴航遇雲翹夫人與詩云一飲瓊漿百感生玄霜  
搗盡見雲英藍橋便是神仙窟何必區區上玉京  
後經過藍橋渴過一舍有老嫗揖之求漿嫗令雲  
英漿一甌漿飲之即美女也航欲娶雲英嫗曰但  
得玉杵玉臼當與之後航得杵臼為搗藥乃得娶  
遂得仙也 傳奇

### 不對梳沐

宋劉穆之貧往妻兄家乞食多見辱不以為耻其  
妻江氏每禁不令往穆之尤往食畢求檳榔江氏  
兄弟戲曰檳榔消食君何需此妻復截髮市肴饌  
為其兄弟以餉穆之自此不對穆之梳沐及穆之  
為丹陽尹召妻兄弟飲至醉以金拌貯檳榔一斛  
進之 本傳

### 感孤燕

南史衛敬瑜妻年十六而夫亡父母舅姑欲嫁之  
乃截耳為誓不許戶有燕巢常雙飛後忽孤飛女  
感其偏栖乃以縷繫脚為誌後歲此燕果復來尤  
帶前縷女為詩曰昔年無偶去今春尤獨歸故人  
恩意重不忍更雙飛 張景仁傳

### 黃鵠歌

列女陶嬰夫死守義作黃鵠歌曰黃鵠早寡兮七  
年不雙飛宛頸獨宿兮想其故雄其命早寡兮獨



宿何傷念此寡婦兮泣下數行死不忘兮烏將然  
雖有賢雄兮終不重行魯人聞之遂不復求

列女傳

### 箔上蚕機上絲

王肅在江南聘謝氏女爲妻及至京師復尚公主  
其後謝氏爲尼亦來奔肅作詩贈肅曰本爲箔上  
蚕今作機上絲得絡逐勝去頗憶纏綿時公主代  
肅謝曰針是貫線物目中常絰絲得帛縫新去何  
能初故時肅甚恨遂造正覺寺憇之

伽藍記

### 寫真寄詩

南楚才旅遊似無返舊之意其妻薛媛微知其意  
乃對鏡自圖其形并詩以寄之詩曰欲下丹青筆  
先拈寶鏡看已驚顏索寞未覺鬢凋殘淚眼描將  
易愁腸寫出難恐君渾妾却時展畫圖看楚才遂  
歸如初

雲漢友議

### 出妻復還

嚴灌夫娶垣氏十年無嗣乃出之妻乃爲詩以別  
曰當時心事已相関雨散雲飛一餉間便是孤帆  
從此去不堪重過望夫山遂如初

### 夢歸見寫詩

有書生娶後遊太學久不歸一夕夢返其家見妻  
秉筆寫詩云數日相望極須知意思迷夢魂不怕  
險飛過大江西書生怪而記之後家書至妻有詩

一首如夢中所見無殊夢之文乃發書之日

畫佛

唐武侍御喪其配歛其遺服擲珥輦忱于亡月日  
十五日出陳之抱嬰兒以泣有浮屠者諭之曰是  
豈有益邪吾師云人死則為鬼鬼且復為人隨所  
積善惡受報環復不窮也西方有佛焉其土大樂  
能圖是佛而禮之往生莫不如意韓愈聞而吊之  
曰圖西方兮道之勤以妄塞悲兮慰新魂

韓吊武侍御書佛文

無雙

唐劉震之女幼時許其甥王仙客未成婚會朱泚  
之亂震夫妻死無雙沒入掖庭仙客後二年入京  
遇舊蒼頭塞鴻又得無雙婢採蘋與居後為縣尉  
至長安驛忽有中使押內家三十人往元陵洒掃  
塞鴻烹茗於簾外夜深忽聞簾下語曰塞鴻郎健  
否明日我去後閣子中取書送郎書後云常見敕  
使說富平縣古押衙有心人今能求之否後仙客  
尋古押衙結以寶玉半歲古押衙求茅山道士藥  
令采蘋假作中使賜無雙自盡立死三日活以親  
屬贖死以與仙客救療得愈押衙自盡仙客與無  
雙易姓名偕老襄鄧間

太平廣記

繡龜形詩

唐會昌中有邊將張揆防邊近十年其妻侯氏繡

回文作龜形詩詣闕進曰睽離已是十年強對鏡  
那堪更理粧聞鴈幾回修尺素見霜先爲製衣裳  
開箱疊練先垂淚拂杵調砧更斷腸綉作龜形獻  
天子願教行客早還鄉

封髮二十年

唐賈直言妻董氏直言坐事貶嶺南以妻少年訣  
曰死生不可期吾死可別嫁董不答引繩束髮封  
以帛使直言署曰非君手不解直言貶二十年乃  
還署帛宛然及湯沐髮墮無餘本

詩寄夫

毛友龍達可未第時其內以一詩寄之剔燭親封  
錦字書擬憑歸鴈寄天隅經年未報千秦策不識  
如今舌在無齋錄

少婦集句

壽之老醫娶少婦或集句嘲之曰隈他門戶旁他  
墻年去年來來去忙採得百花成蜜後爲他人作  
嫁衣裳后山詩話

河東獅子吼

陳慥字季常妻柳氏悍忌季常畏之東坡詩戲之  
曰龍丘居士亦可伶談空談有夜不眠忽聞河東  
獅子吼拄杖落手心茫然龍丘季常道號河東柳  
姓邵也西清詩話



